

JP „HORIZONTALA-ŽIVINICE“ d.o.o.
za pružanje usluga i promet roba, export-import
ŽIVINICE

Broj: 01/1-2698/24

Datum: 14.10.2024. godine

Na osnovu člana 70. Zakona o javnim nabavkama BiH (Službeni glasnik BiH, broj: 39/14, 59/22 i 50/24), člana 53. Statuta JP „Horizontala-Živinice“ d.o.o. Živinice, a u skladu sa Zapisnicima Komisije za javnu nabavku uglja broj: 01/1-2673/24 i broj: 01/1-2697/24, direktor JP-a donosi:

ODLUKU
o izboru najpovoljnijeg ponuđača
u otvorenom postupku javne nabavke robe

Član 1.

Prihvata se preporuka Komisije za javnu nabavku iz Zapisnika o konačnoj ocjeni ponuda broj: 01/1-2697/24, a u skladu sa Izvještajem sa e-aukcije, te se ugovor za nabavku uglja dodjeljuje ponuđaču „LD Company“ d.o.o. za proizvodnju, trgovinu, transport, Maršala Tita, broj 2, 75270 Živinice, a nakon sprovedene procedure otvorenog postupka javne nabavke.

Član 2.

Ukupna ponuđena cijena robe iz člana 1. ove Odluke, odnosno vrijednost ugovora, utvrđuje se u ukupnom iznosu 16.380,00KM bez PDV-a, a kako izabrani ponuđač nije u sistemu PDV-a, konačna cijena iznosi 16.380,00KM.

Član 3.

Nakon sticanja uslova, Ugovorni organ će sa izabranim ponuđačem zaključiti ugovor o nabavci robe, kojim će regulisati međusobna prava i obaveze.

Član 4.

Po konačnosti ove Odluke, izabrani kandidat/ponuđač je obavezan dostaviti dokaze o kvalifikaciji ponuđača, odnosno originale ili ovjerene kopije dokumentacije iz člana 45. stav (2) tačke a) do d) Zakona o javnim nabavkama BiH, a u roku od 5 kalendarskih dana.

Član 5.

Odluka o izboru najpovoljnijeg ponuđača će biti objavljena na web stranici JP „Horizontala-Živinice“ d.o.o. Živinice, istovremeno s upućivanjem ponuđačima koji su učestvovali u ovom postupku, u skladu sa članom 70. stav (6) Zakona o javnim nabavkama BiH.

Član 6.

Odluka stupa na snagu danom donošenja.

Obrazloženje

Odlukom o pokretanju postupka javne nabavke robe, broj: 01/1-2512/24 od 19.09.2024. godine, pokrenut je postupak za nabavku „uglja“ za potrebe JP „Horizontala – Živinice“ d.o.o.

Živinice. Javna nabavka je provedena putem otvorenog postupka javne nabavke, a kriterij za dodjelu ugovora je najniža cijena.

Procijenjena vrijednost nabavke iznosi 18.500,00KM bez PDV-a.

U skladu s Rješenjem Ugovornog organa broj: 01/1-2600/24 od 01.10.2024. godine, imenovana je Komisija za provođenje otvorenog postupka ove javne nabavke sa definisanim zadacima i nadležnostima Komisije, a koja je dužna sačiniti zapisnike o urađenom.

Slijedom navedenog, Komisija je, u okviru svojih nadležnosti, provela predmetni postupak javne nabavke i o tome sačinila Zapisnik o otvaranju ponuda broj: 01/1-2672/24, a u kojem je konstatovano da je Ugovorni organ blagovremeno zaprimio ukupno 4 (četiri) ponude sljedećih ponuđača:

1. ERAX-INVEST d.o.o. Banovići,
2. ILIĆ TRGOVINA d.o.o. Zvornik,
3. LD COMPANY d.o.o. Živinice,
4. HARMELI d.o.o. Banovići.

Slijedom toga, sačinjeni su Zapisnik o pregledu i ocjeni ponuda broj: 01/1-2673/24 od 10.10.2024. godine, kao i Zapisnik o konačnoj ocjeni ponuda broj: 01/1-2697/24 od 14.10.2024. godine nakon održane e-Aukcije koja je zakazana za dan 14.10.2024. godine u 11 sati, te je Komisija za nabavku svoj rad okončala donoseći prijedlog, odnosno preporuku odgovornoj osobi ugovornog organa, sve u skladu sa Izvještajem o toku i završetku e-Aukcije sa Portala javnih nabavki BiH.

U postupku donošenja ove Odluke, posebno su cijenjene činjenice da je Komisija pravilno i potpuno izvršila ocjenu ponuda u vidu kvalifikacijskih uslova iz Tenderske dokumentacije, te je utvrđeno sljedeće:

Ponuda ponuđača „LD COMPANY“ d.o.o. Živinice je prihvatljiva, s obzirom na to da ista ispunjava uslove koji su propisani Tenderskom dokumentacijom broj: 01/1-2513/24 od 20.09.2024. godine, te su dostavljeni svi dokazi traženi istom, a prema kriteriju za izbor ponude u ovom postupku javne nabavke - najniža cijena, Komisija je izvršila konačnu analizu u skladu sa Izvještajem o toku i završetku e-Aukcije od 14.10.2024. godine.

Uvidom u sve navedeno, vidljivo je da je ponuda ponuđača „LD COMPANY“ d.o.o. Živinice ocijenjena kao prihvatljiva, te je Komisija dala preporuku da se istom, u skladu sa članom 69. stav (1) tačka a) Zakona o javnim nabavkama BiH, dodijeli ugovor u predmetnom postupku javne nabavke i odlučeno je kao u dispozitivu.

Naime, u postupku je ocijenjeno da je Komisija u svemu pravilno postupila, te da je izbor ponuđača izvršen u skladu sa Zakonom o javnim nabavkama Bosne i Hercegovine, podzakonskim aktima, internim aktima i tenderskom dokumentacijom.

POUKA O PRAVNOM LIJEKU

Protiv ove Odluke može se izjaviti žalba najkasnije u roku od 10 (deset) dana od dana prijema ove Odluke.

Žalba se podnosi u najmanje 3 (tri) primjerka.

Dostavljeno:

- Ponuđačima,
- Služba za pravne i opće poslove,
- Direktor,
- a/a.



DIREKTOR

Rakovac Mahir, prof.